

Шогшо эл, порымик да гим берр!

Будь готов/

ЯМДЕ ЛИЙ

1933 ий 1 февраль годсек лектеш.

0+

У ийыште лийже пүсö перода!



Л.Г. Григорьеван фотожо.

Весела кумыл, пайрем шүлыш, модыш, мурымаш, куштымаш да конкурс-влакым иктешлымаш дене тошто ийым ужатена да у шонымаш-влак дене У ийым вашлийына. «Ямде лий» газет редакций ден «Ший памаш» сылнымут фонд кажне ийын чолган, ойыртемалтшын возкалыше-влакым палемдена. Марий Эл Республикым Вуйлатыше А.А.Евстифеев лум дене эртаралтше Марий ёлкышто тений сенгыше-влакым салам-

Журналистикыште ойыртемалтылан «Ямде лий» газетын икымше редакторжо Зинаида Емельяновна ЯКОВЛЕВА лумеш премийын лауреатше – **Всеволод НИКИТИН** (Кужэңер, Шүдымарий).

Поэзийыште ойыртемалтмылан **АНТОНОВ Ивук** лумеш премийын лауреатше – **Ирина ПЕТРОВА** (Морко, Коркатово).

ленна, кубокым, пөлекым тенна. Көмыт сененыт? Көлан Йүштö Кугыза ден Лумұдырын кидышт гыч тыгай чапле пөлекым налаш пиал сыргыжалын?

Йоча-влак, теат сенгыше-влак радамыште лияш шонедат? Вараш кодын огыда ул! Тидлан мом ыштыман? Моткоч куштылго! Улыжат ий мучко заметкым, ойлымашым, йомакым, почеламутым, мыскарам чолган возыман! Перида пүсö лийже!

«Ший памаш» сылнымут фондыв вуйлатыше, писатель **Василий КРАСНОВЛАН** кугу таум ойлена.

Юнкор да литературно-творческий пашам сайын виктарен колтымылан Валентин Борисович ИСЕНЕКОВ лумеш премийым Морко район **Коркатово лицейын юнкор кружокшо** сулен.

Сенгымаш!

Поезд чымыктыш Москваш



Тогдайза, мо тугай «Зимфест»? Телымсе (зимний) фестиваль! Чын! Россиясе школьник-влакын толкынышт тений 1200 утла ўдыр-рвезым Москваште чумырен. Марий Элын делегацийшыкже логалаш мыланемат пиал шыргыжалын. Зимфест түрлө мероприятийлан поян лийын: модыш, квиз, мастер-класс, экскурсий – чылажат РДШ-н активистше-влакым туныкташ ышталтын. Фестивальыш ушнышо кажне йочалан Россия ден Чехий кокласе хоккей матч шарнымашеш кодын, шонем. У ий шўлышан Москва, Йошкар площадь, Сенгымаш тоштер ушешем эн пиалан тат семын кодыт.

Ме эн кужу гирляндым (1 км 100 м 65 см) ямдыленна!

Юлия АНИСИМОВА.

Морко, Коркатово.



У ийын кушкыл-талисманже: лилий да фиалке.



Юл кундем федерал округын полпредше И.Комаровын темлымыж почеш Нижний Новгородышто 24 декабрьште эртаралтше У ий ёлкышко Марий Эл гыч 18 тунемше миен. Йоча-влак-лан Нижний Новгородысо Кремльыште У ий пайремым, ола мучко экскурсийым эртареныт. Планетарийыште, тоштерыште лийыныт.

Түрлө-түрлө түсан шукшым Кожыш «пуртышым» илаш. Ужыч, пижын шинче укшыш? Келшыш? Кодеш тышан илаш. Канде, нарынче шинчажым Модыктен йўлен чўчка. Тыртыш шўртньо модыш-влакым Тулжо ден(е) сымыстара.

Е.ИВАНОВА.



25 декабрьште Москваште, Кремль дворецыште, У ий ёлко чумыр Россия гыч куд тўжем наре йочам иквереш чумырен. Нунын радамыште Марий Эл гыч 28 тунемше лийын. Ёдыр-рвезе-влак У ий представленийым онченыт, Йошкар площадьысе катокышто мунчалтеныт, Москвариумышто шуко ум пален налыныт.



У ий

У ий! У ий! Йоратыме пайрем. Тыйым кажне ийын Кумылын вучем.

Харитон ЛЕОНТЬЕВ.

Параньга, Олор.



«Роза ветров» йоча да самырык-влак-лан рўдер Чап да шарнымаш идалык-лан пўлеклалтше Усталык паша республикысе конкурсым январь гыч март марте эртарат. Йоча-влак почеламутым сылнын лудыт, сўретым ыштат, муру почеш сценкым кельштарат. Йодмашым orgot-delrv12@yandex.ru. электрон адресыш колтыман.

Марий Эл Республикым Вуйлатыше А.А.Евстифеевын Марий ёлкыш толшо-влакым саламлымашыже

Пагалыме ача-ава, йоча-влак!

Идалык мучко те тыршен тунемында. Түрлө конкурсышто, проектыште мастарлыкдам ончыктенда. Тыланда У ий ёлкыш толаш пиал шыргыжалын. Таче тыште, тиде сылне кож йыр, марла кутырышо, марий йылмым тунемше эн чолга йоча-влак чумыргенда. Шарныза, вет ме тендан дене моткоч кугешнена. Те шке кумылын шочмо йылмыдам тунемыда, муред, куштеда. Марий мурым мурен, марий сем почеш тавалтен колтеда. Шочмо йылмынан ончыкылыкшым ме тендан дене кылдена.

Чылалан – тыланда, икшыве-влак-лан, ача-авада, туныктышо-влак-лан – пенгыде тазалыкым тыланем. Тунеммаште – сенгымашым. Умбакыжат ача-ава да туныктышо-влак-лан куандарен шогыза. А таче Йўштў Кугыза да Лумўдыр дене пырля, кож йыр юарлен, муралтен-кушталтен, пайремым веселан эртарыза. Шушаш У ий дене!

Саламлымашым Марий Эл Вуйлатышын икымше алмаштышыже М.З.Васютин лудын.

Ура! Ка-не-на! Увер

Российысе просвещенийын министрже О.Ю.Васильева туныктышо-влаклан У ий каникуллан школышто тунемше-влаклан мӱнгысӧ пашам пуаш огыл манын темлен. Ты шотышто кум уныкан коча вуйым шийын: йоча-влак яндар южышто модын куржталшаш олмеш кечыгут мӱнгыштӧ шинчат, рефератым возат, параграфым тунемыт. Ача-ава-влакат чӱчкыдын йодышым пуат: кузе лийман, кунам йоча-влак учебникысе заданий-влакым шке гыч огыт умыло да мӱнгысӧ пашам уло ешге пелйӱд марте ышташ логалеш.

Министрын мутшо почеш, ончыкыжым интерактивный заданий-влакым пуэдаш шонымаш уло.

Л.СЕМЕНОВА ямдылен.



МЧС шижтара!

Гирляндын сертификатше да инструкцийже лийшаш.

Вичкыж воштыраным ида нал!

Гирляндым йӱдлан да мӱнгӧ гыч кайыме годым йӧртыза!

Гирлянде кӱртньыш тӱкнышаш огыл.



Кудо кож чӱкталтеш?

Уремыште капкам, пӧртым сӧрастараш шонеда гын, келшыше гирляндым налза!

Чыла лампычке-влак йӱлышаш улыт.

Йочасадшыште:
 – Ачам Йӱштӧ Кугыза деч чот лӱдеш.
 – Молан тые шонет?
 – Йӱштӧ Кугыза толмо годым ачам ала-кушко шылеш.



– Ӱдырем, аквариумысо кол-влакым пукшенат?
 – Уке, но мый нуным У ий дене саламленам!



Кожым ида ру!

У ий пайремлан илыше кожым пазарыште налыда але чодыра гыч руэн кондеда? Законом палыман. Кожым руаш шонеда гын, чодыра озанлыкыште билетым налман.

Марий Эл Республикын пӱртӱс поянлык, экологий да йырвелым аралыме шотышто министерствыже чодыра-лаште да пазарлаште тергыме пашам эртара. Кожым але вес иман пушентым закондымын руымылан, куклымылан тыгай штрафым пуат:

**тыглай ег-влаклан – 3-4 тӱжем тенге;
 вуйлатыше-влаклан – 20-40 тӱжем тенге;
 организаций-влаклан – 200-300 тӱжем тенге.**

Одо кундемшыте – Родо-тукым Тол Бабай

Легендым шарналташ гын, ойлат, пуйто Тол Бабай алангасар-влак (удмурт мифологийысе кугу капан герой) кокла гыч лач шкетын илен кодын. Тудо тӱня мучко коштын, янлык ден кайык-влакын йылмыштым тунемын, кушкыл-шамычын юзо вийыштым шымлен. Икана телым алангасар йоча-влакым вашлийын. Нуно лӱдын огытыл, пырля модыныт. Тол Бабай нунулан пӧлекым кучыктен. Ӱдыр-рвезе-влак куаненыт да тыгай лӱмым пуэныт. Тол Бабай чалка (фиолетовый) ужгам чиен коштеш. Кидыштыже – тоя, вачыштыже эртне кеча. Польшка-лышыже – Лымы Ныл (Лумӱдыр).



У ий пайрем

У ий толын мемнан школыш – Ёлко йыр ме пӧрдына. Кумылнаже пеш нӧлталтын. Пайрем шӱлыш – тӱн оза. Меран, Маска, ваш шогалын, Рӱж копаштым пералтат. Йӱштӧ Кугызам мокталын, Сылне мурым муралтат.

**Ратмир САЛИХЯНОВ.
 Параньга, Олор.
 Туныктышо – С.А.Степанова.**



Ме У ийым ешна дене вашлийына. Кечывалым акам дене коктын авамлан салатым ышташ полшена. Кас шумек, ялысе клубыш концертым ончаш каена. Шкеат концертыште участвоватлаш тыршена. Латкок шагат деч ончыч мӱнгӧ У ийым вашлияш вашкена. Кажне У ийлан авам ден ачам кож йымаке пӧлекым пыштат.

Илья АНДРЕЕВ.

**Кужӧнер,
 Шӱдымарий.**

Российыште эн кужу У ий кожым Краснояркыште шогалтыме. Тудын кужытшо – 55 метр. Тыгак кужу У ий кожлан Екатеринбург (50 метр), Озан (35 метр), Барнаул (32 метр), Тула (32 метр) оласе пайрем кож-влак шотла-тыт. Йошкар-Оласе 23 метран кож 25 кужу кож радамыш логалын.

У ий кож йомакым пӧлеклыш



Марий Эл Республикым Вуйлатыше А.А.Евстифеев лӱм дене эртаралтше У ий ёлкылаште 600 утла йоча кож йыр пӧрдын. 20 декабрьыште Республикысе курчак театрыште Марий ёлко гӱжлен. Республикысе марий тӱвыра рӱдер йоча-влаклан «У ий чодырасе йомак-влак» пайремным ямдылен. Вуверкува, Пик-пик кола, Олача чыве, Шемгорак, Йӱштӧ Кугыза да Лумӱдыр дене пырля модыныт, муреныт, куштененыт.

Ий еда эртаралтше «У ий открытке» конкурсыш 28 паша пурен. Кажне сӱретыште йочан мастарлыкшым, илыш умылымашыжым ужаш лийын. Калыкле президент школ-интернатыште тунемше-влак изинек кидмастар кушкыт. 5-ше «Б» ден 6-шо «Б» класслаште тунемше-влак тӱшка пашашт дене икымше верым сенен налыныт (вуйлатышышт – Н.А.Воронцова да Т.М.Орлова).

Марий ёлкыш ушнышо йоча-влак коклаште «У ий марий чиём» конкурс эртаралтын. Марий

Турек район Сардаял школн тунемшыже Алексей Егоров (снимкыште) икымше верым сенен налын. Тудо марий попугай лийын. «Попугай вуйым поролон гыч авам ден коктын ыштенна», – оила рвезе.

Килемар район Йӱксар кундемын кум «йӱксыжӧ»: Дарья Макаева, йыгырвелаш Виктория ден Марианна Соколовамыт – кокымшо верыш лектын. Морко ӱдыр, самырык скрипачке Полина Мамаева кумшо лийын.

«Дарование» школ-интернатын тунемшыже Анастасия Рыбакова кокымшо верыш лектын. Алексей Дмитриев (Волжский, Мамасево) кумшо лийын. **Л.ГРИГОРЬЕВА** ямдылен.



«Лумӱдыр» келшен

Тений мылам Йошкар-Оласе Марий ёлкышто лияш пиал шыргыжалын. Тушко республикын тӱрлӧ районжо гыч марий ӱдыр-рвезе-влак погыненыт. Звенигово район гыч 16 тунемше миен. Артист-влак мыланна онай да весела пайремным ямдыленыт. Сылне кож йыр пырля муренна, куштенна. Вара «Лумӱдыр» спектаклым онченна. Пайрем гыч нӧлталтше кумылан толынам. Вес ийын угыч тушко логалашлан тыршен тунемаш тӱналам.

Йӱштӧ Кугыза ден таче
Тӱлымт ёлкыш унала
Оксина, Чатале але...
Тӱлудын лӱмжым кӧ пала?

Аня ВИНОГорова.

Звенигово,
2-шо №-ан Красногорский школ.

Теле

Лум лумеш.
У ийжат
вашке шуэш.
Тудым меже вучена,
Кож йыр
мурым мурена.
Настя ГРИШКИНА.
Морко, Коркатово.

8. Курык
гыч ече дене
мунчалтен волымет
годым тӱткӧ лий!

У ий тест

Келшыше
пижергым ойыро
да ой-кагашым
пален нал.

2. Корнышто
тӱткӧ лий! Шкендым
арале!

1. Компьютерым,
телефоним
ӧрдыжеш коден,
яндар южышто
жапым утларак
эртаре!

3. Астролог-
влакын ойышт
почеш, таче марий
книгам лудаш
пайдале.

4. Лишыл
йолташет таче тыла-
нет пӧлекым ышта!
Вучо!

5. Таче
родо-тукымет да
йолташет-влак деке
миен толаш сай
кече.

6. Каныш
кечылаште мӧнгысӧ
пашам мучаш марте
шуктыман.

7. Таче
театрыште каналташ
келшыше кече.

8. Курык
гыч ече дене
мунчалтен волымет
годым тӱткӧ лий!



Икгай
пижерже-влакым му.

Куголя идалы-кым кузе вашлияш?

*Суртышто арулыкым эскерыман. Уто тор, вургем, үзгар деч утлыман.

*Портжоргым ший да шортнӧ тӱсан арвер дене сӧрастарыман.

*Кож йымак у ийын озажым – Куголям – верандыман.

*Ӱстелшовыч, кӱмыж-совлаош тӱсан лийыт гын, сайрак.

* У ийым вашлияш ош, сур тӱсан вургемым чияш келшен толеш. Тыгак Куголя кушкыл, мланде тӱсым акла.




Ончалзан тӱткырак. 1-ше номеран Кужӧнер школышто 2-шо классыште тунемше Венья Петуховым ужыда. Марий шӱлышан улмыжо вигак коеш. Тыге вет? Изирвезе марла мураш, кушташ йӧрата. «Марий семым колмеке, вигак тавалтен колтымем шуэш», – оила Венья. Йӱштӧ Кугыза деч пӧлекым – телефоным – вуча.



Л.ГРИГОРЬЕВАН фотожо.

«Тыгай йӱштӧ кечын йыдал дене Йошкар-Олашке шумеш кузе толынат?» – Шернур район Шӱдымарий школын тунемшыже Ксюша Мамаева дечын У ий ёлко годым йодым. – Автобус конден. Пеленна школ директор Инна Евгеньевна Ефимова толын, – шыргыжалын пелештыш ӱдыр. – Корнышто кугу пире авыра гын, теве ший товарем уло.

Мыскарам улымышо ӱдыр! Ксюша шукертак телефонан лияш шонен. Сайын тунеммыжлан ача-аваже шонымашыжым шуктенят. **Е.ИВАНОВА.**



Ксюша чыпалалан пиалым, порылыкым тылана.

Тек У ий конда пиалым, Кажнылан лиеш куан. Ю пӱртӱс деч порым налын, Йывырталза У ийлан. **Настя ГОРДЕЕВА. Медведево, Нужъял.**

Тушто



Кава гыч мландышке велеш. Тый кидыш налатат, йомеш.

Пӧлекым кондат уныка ден коча, Вуча кажне суртышто нуным йоча.

Кӧ гын толын унала?



«Толын вучымо У ий» кидпаша конкурсым «Ямде лий» газет редакций ден М.Шкетан лӱмеш Марий национальный драме театр эртарышна. Такасымашке 32 паша пурен.

– Марий йоча газет ден Марий драмтеатр пырля келшен пашам ыштышаш. Тӱрлӧ конкурсым, викториным, модышым иквереш эртарышаш. Вет ме ончыкылык тукумым куштена. Теве ты конкурс – пырля ыштыме сомылнан

лектышыже, – оила М.Шкетан лӱмеш Марий национальный драме театрын директоржо Э.А.Юзыкайн.

Кажне паша мотор, юзо шӱлышан да весым тыгайым нигуштат от му. Сандене сеньше-влакым ойыраш куштылго лийын огыл. Театр пашаен, артист-влакын йӱклымашт почеш ойыртегалтше паша-влак палемдалтыч. У Торъял кыдалаш школын 4-ше классыштыже тунемше Анна Еросланова икымше верыш лекте. Амира Каирова (Медведево район Руэм школ, 4-ше класс) ден Эльмир Анисимов (У Торъял район Токтарсола школ, 6-шо класс) кокымшо верым лош пайлышт. Советский район Шуарсола школын 1-ше классыштыже тунемше Матвей Петухов кумшо верым нале.

Сеньше-влакым 29 декабрьште 10 шагатлан М.Шкетан лӱмеш Марий национальный драме театрыште саламлаш тӱнгалына. **Л.ГРИГОРЬЕВА.**

Ойыртемалтше ий

Жап писын эрта. Теве 2019 ийым иктешлашат жап шуо. Тиде идалык мылам шуко куаным конден. Эн кугу пиаллан «Марий Юнкор – 2019» регион-влак кокласе слётышто лиймемым шотлем. Журналист, артист, поэт-влак дене вашлиймаш-влак эрелан ушем кодыныт. Шуко ум пален налын-нам, сай йолташ-шамычым муынам. Ноябрь тылзыште Г.Константинов лумеш академический руш драмтеатрыш «Корсиканка» спектакльым ончаш миенам. Историй дене олимпиадыште уш-акылем тергенам. Тек У ий чылан пиалым, куаным конда!

Оля СТЕПАНОВА.

Максим СТЕПАНОВЫН сүретше.
Морко, Шап Унчо.

У ий кож шуко жап шогыжо манын, мом ыштыман?

1. Ик таблетке аспириным, чывыштыш шинчалым, ик совла сакрым шулыктарыме вудыш верандыман.

2. Пел чай совла лимон кислотам, ложаш гай лийме марте тыгыдемдыме порым (олмешыже желатиним лиеш) шулыктарыме вудышкө шындыман.

3. Кожын укшышкыжо жапын-жапын пульверизатор дене вудым шыжыктыман.



конда, кумылна кугу куан дене темеш. Теве молан телым вучена. Ме, йоча-влак, юарлен, лумым кышкылт модына. Кызытеш ече дене кошташ, издер дене мунчалташ лум шагларак. Туге гынат, теле кечын яндар южышто лияш тыршыманак. Вет теле шижде эртенат кая.

Лиана МОСОЛОВА.

Советский, Шуарсола.

Тушто

Ий мучко чодыраште ила, У ийлан толеш унала.



Модыш-влакым пйчкын луктын, ймылыштлан кельштарен сакыза.

Пеш вашка

Мамык портышым шарен,
Мемнан дек У ий вашка.
Кажне пörтышкө пурен,
У пиалым тылана.
Давид ГАМЗАЕВ.
Параньга, Олор.

Вучымо теле

Мотор телым вучен шуктышна. Мландым пушкыдо лум леведе. Теле пеленже сылне У ий пайремым конда, кумылна кугу куан дене темеш. Теве молан телым вучена. Ме, йоча-влак, юарлен, лумым кышкылт модына. Кызытеш ече дене кошташ, издер дене мунчалташ лум шагларак. Туге гынат, теле кечын яндар южышто лияш тыршыманак. Вет теле шижде эртенат кая.

Лиана МОСОЛОВА.

Советский, Шуарсола.

Пайремлан – пөлек

У ий – кажне йочан эн йоратыме пайремже. Школьшто кожым шогалтат, кугурак класслаште тунемше-влак сōрастарат. Кож пуш школ мучко шарла. Тыгак Йүштö Кугыза ден Лумудырым вучем, нуно мылам пөлекым кучыктат. Сандене мый кокымшо чырыкым сай отмете-влак дене тунем пытараш тыршем.

Регина ПЕТУХОВА.

У Торъял, Кузнеч.

Толын унала

Теле толын,
теле толын
Мемнан деке унала.
Йоча-влакше, куаналын,
Лумым кышкылтыт вашла.

Кö коньки ден мунчалта,
Кö издерым шудыра,
Кö гын ваштар ече дене
Пикшла курык гыч чыма.
Алёна ВЕДЕРНИКОВА.
У Торъял, Элымбай.

Вуйлатыше:
Е.В.ПЕТУХОВА.



Родо-тукым

Мордва калыкын – Нишке

Мордва мифологийыште Нишке Кугу Юмылан шотлалтеш. Легенде почеш, тудо кава ден мландым ыштен, тўнямбал тенгызыш кум колым колтен – нуно мландым кучат. Нишке пушенгым шынден, пörьен-влаклан мланде пашам, ўдырамаш-шамычлан сурт сомылкам ышташ кўштен. Кок ўдыржö уло: Кастарго да Вецорго. Пелашыже – Ава. Мордва калык пала: Нишкен шым юзо клатше уло. Иктыште Мороз-Атя (Йүштö Кугыза) ила, кокымшышто – Дед Якина, кумшышто – Кугарня, нылымшыште – Рушарня, визымшыште – Теле, кудымшышто – Кенез. А шымшым почаш ок лий. Мороз-Атя пайрем кечылаште шке суртыштыжо ила. Тудо Ульяновский областыште Кузоватовский районысо Кивать селаште верланен.

Родо-тукым Венгрийыште -
Микулаш

6 декабрьыште Шнуй Микулашын кечыжым пайремлат. Йўла почеш, йоча-влак пѳрт мучко носкиштым сакалат але окна янакыш йолчие-мыштым шындат. Эрдене тушто пѳлекым кычалыт. Пѳлекше чылан-ныштын икгай огыл. Мутым колыштшо йоча-влак шоколадым, мандариным да тўрлѳ шере кочкышым муыт гын, мутым



колыштдымо икшы-ве-влаклан Микулаш кож укшым але вес арверым веле пышта. Микулашын Лумўдыржѳ уке, тудлан суксо-влак полшат, а Крампус ия мут колыштдымо йоча-влакым лўдыкта да вурса.

Кид-йол деч посна сїретлен мошта.

«Коляиге»
салат

Кўлыт: чыве шыл, 100 г шампиньон, 1 вуй шоган, 2 парентге, 2 муно, 50 г пентгыде сыр.

Сѳрастарашлан: колбаса, ужар шоган, краб шыл, шем пурыс пырче.

Чыве шылым, парентгым, муным шолташ. Шампиньоным, шоганым пўчкеден жаритлаш. Тушко шинчалым да пурысым ешараш. Ынде мотор талингаш оптена: 1-ше лончо – тѳрко гоч колтымо парентге. 2-шо лончо – кубик дене пўчкелыме чыве шыл. 3-шо лончо – жаритлыме шоган ден шампиньон. 4-ше лончо – муноп-тем (муношо деч ойыраш). 5-ше лончо – сыр. 6-шо лончо – муношо. Кажне лончо коклаш майонезым йыгалташ.

Мучашлан
к о л я
с е м ы н
с ѳ р а с т а -
р а ш .



М.Иванован фотожо.



Тыгай мотор сїрет-влак Морко район Купсола школын окнаштыже верым муынит. Тўнемше-влак сѳрастаренит.



Сїретым чиялте.

Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымыште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.


Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тўрлѳ лийын кертыт. Серыш-влак мѳнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружѳнный Вийын 70-ше идалыкше урем, 20-шо пѳрт.
Тел. 8(8362) 45-22-82(факс)



Кубикым кок весылан пу.  Тыгай кубикым ыште.  Тыгай тусан онго дене кай.  Ончыкыла кай.  Шенгекрыла кай.

Интернет гыч налме.

2020 ийысе 1-ше номер 11 январьште лектеш.